

# SEKSUALNE U SLUGE ARAPIMA I TURCIMA NA PLAĆIVALI 200 KM



Osumnjičeni su sinoć predati Tužilaštvu KS-a

Prema nezvaničnim informacijama, privedeni su Samir Kurtović, Omer Nargalić i Merima Š. • Ostvarivali kontakte sa korisnicima i posredovali u dogovorima za pružanje seksualnih usluga



Pripadnici Državne agencije za istrage i zaštitu BiH (SIPA) jučer ujutro su izveli akciju kodnog imena Lipstick (karmin, op.a) na području Sarajeva, te su uhapsili S. K. (1984), O. N. (1978) i M. Š. (1989) zbog sumnje da su počinili krivično djelo organizirani kriminal, u vezi sa krivičnim djelom navođenje na prostituciju i krivičnim djelom pranje novca. Prema nezvaničnim informacijama, privedeni su Samir Kurtović, Omer Nargalić i Merima Š.

## Posredovanje

U akciji SIPA, koja je izvedena po naredbi sarajevskog Kantonalnog suda i Tužilaštva, pretrešena su tri objekta, na tri lokacije u Sarajevu. Akcija, u kojoj su učestvovali i pripadnici MUP-a KS-a, rezultat je višemjesečne istrage koju su istražitelji SIPA-e proveli pod nadzorom Kantonalnog tužilaštva.

Kako saznajemo, osumnjičena trojka se tereti za učešće u organizovanju ili vođenju aktivnosti u vezi sa pružanjem seksualnih usluga na području Kantona Sarajevo i šire, tako što su ostvarivali kontakte sa korisnicima i posredovali u dogovorima za pružanje seksualnih usluga, a zatim su na dogovoreno mjesto prevozili lica koja su pružala seksualne usluge i dolazili po njih. Kurtović se, na-

Page: 12

Reach: 0

Country: BOSNIA AND HERZEGOVINA

Size: 515 cm2

2 / 2

vodno, tereti da je bio organizator grupe, te da je za navedene usluge naplaćivao 50 posto od dogovorenog iznosa, čime je stekao znatnu protivpravnu imovinsku korist.

Prema riječima Kristine Jozić, portparola SIPA, jučer je saslušano nekoliko svjedoka, među kojima je najviše žena. Jozić je navela da su klijenti najčešće bili strani državljani, osobe turskog i arapskog porijekla, te da je cijena seksualnih usluga bila oko 200 KM.

Policija je prilikom pretresa pronašla i oduzela predmete koji mogu poslužiti kao dokaz u daljem postupku, i to mobitele, SIM kartice, novac, dva komada vatrenog oružja sa municijom i druge predmete.

Nargalić i Kurtović su organima gonjenja poznati odranije. Narga-

## Ispitivanje

Osumnjičena trojka je sinoć predata Tužilaštvu KS-a, gdje će biti zadržana 24 sata. O daljim mjerama će biti odlučeno naknadno.

lića, koji je kaznu zatvora od 10 godina i četiri mjeseca služio zbog ubistva Edina Kutlovca u noćnom klubu Kašmir u Sarajevu pomilovao je 2013. godine tadašnji predsjednik FBiH Živko Budimir. Nargalića zastupa advokat Kadrija Kolić, koji nam je pot-

vrдио da će skupa sa svojim klijentom biti na saslušanju u SIPA. Nije želio govoriti o drugim detaljima. Prema nezvaničnim informacijama, Merima Š. je privedena na saslušanje, a u toku dalje istrage bi navodno mogla dobiti imunitet. Merima je navodno odlučila da progovori i istražiteljima ispriča sve o poslovima Nargalića i Kurtovića.

Kurtović je, podsjećanja radi, hapšen u nekoliko navrata najčešće zbog ugrožavanja sigurnosti. Prije dvije godine ranjen je u pucnjavi koja se desila u sarajevskom naselju Švrakino Selo u Majdanskoj ulici bb. Kurtovića, koji je tada upravljao vozilom nissan terrano, jedan od ispaljenih hitaca pogodio je u stomak te je operisan odmah nakon dolaska u Klinički centar Univerziteta u Sarajevu. Napadač koji je je stajao uz

desnu stranu ceste, pored poslovnih prostora, Kurtoviću je napravio zasjedu.

## Ranjavanje

Kada je Kurtović u svom džipu naišao Majdanskom ulicom, napadač je na njega ispalio nekoliko hitaca. Iako se pucnjava desila nasred ulice i usred dana, tom prilikom nije povrijeđen niko od slučajnih prolaznika. Jedan od ispaljenih hitaca prošao je kroz vrata vozila i Kurtovića pogodio u stomak, no on je nastavio vožnju. Nakon toga, napadač sa svojim pomagačima sjeo je u škodu fabiju i udaljio se u nepoznatom pravcu. Pogodeni Kurtović nastavio je voziti još 200 metara i zaustavio se nedaleko od trolejbuske garaže, vlasništvo Grasa.

**A. B. Č.**



SIPA je sinoć uhapsila jednu žensku osobu